



EXPEDIENTE	1162/2022
PROCEDEMENTO	Subvencións solicitadas a outras administracións
TIPO DE DOCUMENTO	Anuncio

PERFÍS DOS POSTOS DE TRABALLO E CRITERIOS DE SELECCIÓN DO PROGRAMA PRIMEIRA EXPERIENCIA PROFESIONAL NO CONCELLO DE BUEU 2022/2023

Con data 30.05.2022 publicouse no Boletín Oficial da Provincia de Pontevedra (BOPPO núm.102) o outorgamento da condición de entidades colaboradoras do proxecto "Primeira Experiencia Profesional". A Deputación Provincial de Pontevedra concedeu ao Concello de Bueu unha subvención para a contratación, mediante contrato formativo para a obtención da práctica profesional, de 3 persoas coa titulación de grao.

Polo anterior, e de acordo co establecido na base décimo cuarta das Bases reguladoras e convocatoria, en réxime de concorrencia non competitiva, para o proxecto "primeira experiencia profesional" nos Concellos da provincia de pontevedra 2022/2023 (BOPPO núm. 74 do 19. 04. 2022)

DECLARO:

PRIMEIRO.- Que os perfís dos postos de traballo que o Concello de Bueu pretende contratar ao amparo deste programa son os seguintes, de acordo co establecido na Resolución da Alcaldía núm. 2022-0623, do 03.05.2022, de aprobación de solicitude de subvención do proxecto primeira experiencia profesional:

Grao en Comercio

Grao en Publicidade e Relacións Públicas

Grao en Enxeñaría Civil /Obras Públicas

SEGUNDO.- Que para a selección do persoal que ocupará estes postos se aplicarán os criterios de selección recollidos no Anexo III das Bases reguladoras e convocatoria, en réxime de concorrencia non competitiva, para o proxecto "primeira experiencia profesional" nos Concellos:





Criterios de selección

O proceso de selección consistirá na valoración dos méritos acreditados polas persoas preseleccionadas polo Servizo Público de Emprego, e levarase a cabo conforme aos seguintes criterios:

a) Expediente académico: ata un máximo de 4,00 puntos, segundo a nota media calculada para as titulacións universitarias polo Real decreto 1125/2003, de 5 de setembro, e para os ciclos de formación profesional polo Real decreto 1147/2011, de 29 de xullo. No caso de que a media dalgunha das titulacións convocadas non fose calculada polas normas referidas ou esta non se especifique valorarase con 0,00 puntos.

Para a valoración do expediente académico multiplicarase a nota media por 4 e o resultado dividirase entre 10.

b) Por ter un doutoramento relacionado co contido do posto: 2,00 puntos.

c) Por cada título oficial de máster universitario ou título propio da universidade de máster relacionado co contido do posto: 0,50 puntos cada un, ata un máximo de 1 punto.

d) Por posuír unha titulación académica oficial distinta e relacionada co posto de traballo que se vai desempeñar, de nivel igual ou superior á esixida para a formalización do contrato formativo: 0,50 puntos por título, ata un máximo de 1 punto (neste apartado non se terán en conta as titulacións de nivel inferior que sexan necesarias para a obtención doutras de nivel superior nin as de máster ou doutoramento).

e) Por asistir a cursos de especialización, formación e perfeccionamento organizados por centros oficiais dependentes da Administración do Estado, da comunidade autónoma ou da Administración local, universidades, colexios oficiais ou escolas da Administración pública directamente relacionados co posto que se vai desempeñar (incluídos os organizados por sindicatos no marco do Acordo nacional de formación continua): ata un máximo de 2 puntos, que se computarán do seguinte xeito:

- De máis de 150 horas duración: 0,30 puntos por curso
- De entre 100 e 150 horas de duración: 0,25 puntos por curso
- De entre 60 e 99 horas de duración: 0,20 puntos por curso
- De entre 30 e 59 horas de duración: 0,15 puntos por curso
- De entre 10 e 29 horas de duración: 0,10 puntos por curso
- Por acreditar o nivel de coñecemento da lingua galega co Celga 4 : 0,50 puntos

Non se terán en conta os certificados ou diplomas nos que non se especifique a duración do curso en número de horas ou créditos.





Tampouco se computarán as xornadas, congresos, seminarios ou cursos de duración inferior a dez horas.

O tribunal cualificador poderá requirirles ás persoas aspirantes que acrediten a verificación dos extremos recollidos na documentación presentada, ademais de cantas precisións estimen oportunas.

As persoas candidatas que accedan con titulacións de Licenciatura, Arquitectura ou Enxeñería (títulos pre-Boloña) que teñan un certificado da súa correspondencia co nivel 3 MECES (Marco español de cualificación para a educación superior) terán unha puntuación de 0,50 puntos, equivalente a un máster universitario.

O enlace á web do Ministerio onde se publica o catálogo de titulacións homologadas ao nivel de máster é o seguinte:

<http://www.culturaydeporte.gob.es/servicios-al-ciudadano-mecd/catalogo/educacion/gestiontitulos/estudios-universitarios/titulos-espanoles/202058.html>

Nesta fase só se terán en conta os méritos que se xustifiquen documentalmente no día e na hora que sinale o concello.

No caso de empate entre as puntuacións das persoas aspirantes a orde de prelación determinarase dándolle preferencia á muller naqueles casos en que se produza unha infrarrepresentación do sexo feminino, nos termos establecidos no artigo 49 do Decreto legislativo 2/2015, de 12 de febreiro, polo que se aproba o Texto refundido das disposicións legais vixentes da Comunidade Autónoma de Galicia en materia de igualdade. No caso de que o citado precepto non resulte aplicable ou persista o empate tras a súa aplicación, resolverase o empate en función da nota media global do expediente académico e, de persistir este, pola puntuación acadada nos seguintes apartados.

Documento asinado electronicamente á marxe.

